

立借銀單人吞霄街晉泉號許秀峰，茲因店中生理
乏銀應用，前來向得杜番觀手內借出佛銀柒拾貳
大元，言約銀每拾元每月愿貼利息銀叁角正，即日
銀單兩相交收明白足訖。約至明年拾壹月半備足母
利佛銀清還，取回借單。倘若至期無銀還，依舊供
納利息，不敢異言滋端。此係仁義交關，兩無逼
勒。今欲有憑，立借銀單一帋，付執為炤。

道光貳拾肆年拾壹月十四日立借銀單人許秀峰

